



Broj: T09 0 KT 0194326 24
Sarajevo, 04.11.2024.godine

HITNO PRITVOR

KANTONALNI SUD U SARAJEVU
- Sudiji za prethodno saslušanje
SARAJEVO

Na osnovu člana 45. stav (2) tačka i) i čl. 241. stav (1) ZKP-a FBiH, **p o d i ž e m:**

O P T U Ž N I C U

Protiv:

NIHAD SARAJKIĆ, zvani „Brada“, rođen 1992. godine, nastanjen u, po narodnosti Bošnjak, državljanin BiH, JMBG:, po zanimanju elektroinstalater, bio zaposlen u ASA bolnici, ali je radni odnos prestao istekom ugovora, oženjen, otac četvero mladb. djece, pismen, završena SSS- Srednja elektroenergetska škola u Gračanici i Srednja mješovita škola u Ilijašu, nije služio vojni rok, ne vodi se u vojnoj evidenciji, nije odlikovan, po vlastitoj izjavi lošeg imovnog stanja, neosuđivan, lišen slobode dana 10.06.2024. godine u 20,00 sati od strane policijskih službenika MUP KS, PU Novo Sarajevo, a po Zapisniku o lišenju slobode PU Centar od 10.06.2024. godine i predat Kantonalnom tužilaštvu Kantona Sarajevo dana 11.06.2024. godine u 14,45 sati, nalazi se u pritvoru po Rješenju Kantonalnog suda u Sarajevu od 09.09.2024.godine, koji pritvor može trajati do 09.11.2024.godine ili do druge odluke suda,

Što je:

1. Dana 10.06.2024. godine oko 16:50 sati u Sarajevu, u ulici Vilsonovo šetalište ..., općina Centar, na mjestu gdje je bilo okupljeno veći broj ljudi, odnosno posjetilaca, svjestan da će pucanjem iz vatrenog oružja usmrtiti A.K. na okrutan način, što je i htio, a nakon što se sa A.K. po dogovoru sastao u ulici Vrbanja, općina Centar, Sarajevo, na koji sastanak je ponio pištolj uništenog serijskog broja, mehaničkim djelovanjem marke AHSS, model, kalibra 9x19 mm, te nakon sastanka sa istim, i to prilikom odlaska, dok je A.K. bio okrenut prema njemu desnom bočnom stranom, na udaljenosti od oko 1 metar, iz neposredne blizine, iz tog vatrenog oružja – pištolja, svjesno i htijući A.K. usmrtiti na okrutan način, ispalio šesnaest (16) hitaca u pravcu A.K., od kojih je 15 (petnaest) hitaca pogodilo A.K., pri tome je hitce ispaljivao u A.K. i kada je A.K. počeo padati na tlo i to u predjelu vrata, desne natkoljenice i prepone, a od kojih hitaca je A.K. zadobio 7(sedam) prostrijelnih rana i to 1(jedan) nosa, 2(dva)

grudnog koša, 3(tri) grudnog koša i stomaka, i 1(jedan) desne nadlaktice i podlaktice, 3(tri) prostrijelno-ustrijelne rane desne nadlaktice i grudnog koša, 5(pet) ustrijelnih rana i to 1(jedna) vrata, 2(dvije) grudnog koša, 1(jedna) desne nadlaktice i grudnog koša, 1(jedna) desne natkoljenice i prepona, 1(jedno) strijelno okrznuće grudnog koša, 1(jedno) strijelno okrznuće sa prostrijelnom ranom leđa, a nakon što je A.K. pao na tlo i dok je bespomoćno ležao i trpio bolove jakog intenziteta, prišao mu i na okrutan način zadao mu najmanje 3(tri) udarca nogom obuvenom u patiku, bež boje marke, u predjelu glave i lica, usljed čega je A.K. zadobio teške po život opasne tjelesne povrede u vidu 2(dvije) prostrijelne rane desne nadlaktice i ustrijelne rane grudnog koša, prostrijelne rane desne podlaktice i ustrijelne grudnog koša, prostrijelne rane grudnog koša, i 3(tri) prostrijelne rane grudnog koša i stomaka, te zadobio teške tjelesne povrede, obične teške u vidu prostrijelne rane nosa sa višestrukim prelomom nosnih kostiju, ustrijelne rane vrata sa ulaznom ranom neposredno iznad drške grudne kosti, ustrijelne rane desne nadlaktice i grudnog koša, sa ulaznom strijelnom ranom na vanjskoj bočnoj strani nadlaktice, ustrijelne rane grudnog koša sa ulaznom strijelnom ranom na desnoj bočnoj strani grudnog koša iza pasušne jame, prostrijelne rane desne nadlaktice i podlaktice, sa ulaznom strijelnom ranom u predjelu vanjske strane podlaktice, ustrijelne rane desne natkoljenice i prepone, sa ulaznom strijelnom ranom u predjelu vanjske bočne strane natkoljenice, nagnječina i razderano-nagnječna rana desnog potiljačnog predjela glave, nagnječina kože lijevo potiljačnog predjela glave od tjemelog predjela, protežući se i iza uha, nagnječina kože čela, desnog obraza, sljepočnog predjela i uške, desne strane vrata, lijevog jagodičnog predjela, gornjeg kapka desnog oka, gornje i donje usne, sa krvnim podljevom poglavine i krvnim podljevom mekih moždanih ovojnica, i zadobio lake tjelesne povrede u vidu ustrijelne rane grudnog koša sa ulaznom strijelnom ranom na desnoj bočnoj strani grudnog koša, strijelno okrznuće i prostrijelna rana leđa, sa okrznućem stražnje desne strane leđa, krvnog podljeva kože desnog ramena, oguljotina kože lijevog ramena, oguljotina kože leđa, krvni podljevi kože stražnje strane grudnog koša, nagnječina kože desne nadlaktice, oguljotina kože desne podlaktice i oguljotina kože desnog lakta, od kojih zadobijenih povreda i to od višestrukih prostrijelnih i ustrijelnih rana grudnog koša i stomaka, sa ozljedama pluća, jetre, lijevog bubrega i krvarenjem je A.K. preminuo na licu mjesta, nakon čega je vatreno oružje – pištolja, uništenog serijskog broja mehaničkim djelovanjem marke AHSS, model, kalibra 9x19 mm, rastavio na pripadajuće dijelove i to: tijelo pištolja, navlaka, cijev, opruga i magazin, i stavio na klupu za sjedenje, te stao ispred te klupe da bi sačekao policijske službenike MUP-a KS,

2. Dana 10.06.2024. godine, oko 16:50 sati u Sarajevu, u ulici Vilsonovo šetalište, općina Centar, postupio protivno odredbama člana 7. stav 1. tačka a) Zakona o nabavljanju, držanju i nošenju oružja i municije Kantona Sarajevo (Službene novine Kantona Sarajevo", br. 1/2018, 13/2018 i 30/2019) u vezi sa članom 6. stav 1. tačka a) istog Zakona i članom 30 istog Zakona, svjestan da je nabavljanje i držanje takvog oružja građanima zabranjeno i htijući to, neovlašteno kod sebe držao vatreno oružje –pištolj,

uništenog serijskog broja mehaničkim djelovanjem marke AHSS, model, kalibra 9x19 mm sa magazinom,

Dakle, pod tačkom 1. drugog usmrtio na okrutan način, a **pod tačkom 2.** neovlašteno držao vatreno oružje čija nabavka građanima uopšte nije dozvoljena,

Čime bi, pod tačkom 1. počinio krivično djelo Ubistvo iz člana 166. stav 2. tačka a) Krivičnog zakona Federacije BiH, a **pod tačkom 2.** počinio krivično djelo Nedoizvoljeno držanje oružja ili eksplozivnih materija iz člana 371. stav 1. KZ F BiH, a sve u vezi sa članom 54. istog Zakona,

PRIJEDLOG ZA PRODUŽENJE MJERE PRITVORA

U skladu sa članom 242. stav 3. Zakona o krivičnom postupku F BiH, podnosim prijedlog za produženje pritvora prema osumnjičenom Sarajkić Nihadu sa prijedlogom da Sud, shodno odredbi člana 151. stav 1. i 2. tačka d) ZKP-a FBiH, prema Sarajkić Nihadu, produži mjeru pritvora u trajanju od 2 (dva) mjeseca iz razloga predviđenih članom 146. stav 1. tačka d) ZKP F BiH, s obzirom da i dalje postoje razlozi zbog kojih je pritvor određen, a propisani tačkom d) stav 1. člana 146. ZKP F BiH.

KANTONALNA TUŽITELJICA